



ՀԱՍՏԱՏՈՒՄ ԵՄ՝

Շրջակա միջավայրի նախարար
Հ. Սիմիդյան

« 08 » 06 2022թ.

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ

ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ
ՓՈՐՁԱՔՆՆՈՒԹՅԱՆ

ԲՓ 0074-22

Ձեռնարկողը՝

<< ՅԱՆԱ ՎԱՐԴԱՆՅԱՆ >> ՍՊԸ

ՀՀ Գեղարքունիքի մարզ, գ. Գեղիովիտ, 5-րդ փ., տ. 174

Գործունեությունը՝ Գեղարքունիքի մարզի Քարաձորի անդեզիտաբազալիտների երևակումում օգտակար հանածոների արդյունահանման նպատակով ընդերքի երկրաբանական ուսումնասիրության շրջակա միջավայրի վրա ազդեցության նախնական գնահատման հայտ

Գեղարքունիքի մարզ, Մարտունի համայնք

«Շրջակա միջավայրի վրա ազդեցության փորձաքննական կենտրոն» ՊՈԱԿ-ի տնօրենի պարտականությունները կատարող՝



Խ. Մարտիրոսյան

Առդիր եզրակացությունը՝ 6 թերթ

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ
ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ ՓՈՐՁԱՔՆՆՈՒԹՅԱՆ

թիվ ԲՓ 0074-22

< 08 > 06 2022թ.

Գեղարքունիքի մարզի Քարաձորի անդեզիտաբազալտների երևակումում օգտակար հանածոների արդյունահանման նպատակով ընդերքի երկրաբանական ուսումնասիրության աշխատանքների շրջակա միջավայրի վրա ազդեցության նախնական գնահատման հայտ

Ձեռնարկող՝

« ՅԱՆԱ ՎԱՐԴԱՆՅԱՆ » ՍՊԸ

Փաստաթղթի տեսակը՝

Շրջակա միջավայրի վրա ազդեցության
նախնական գնահատման հայտ, Ծրագիր
/Գ կատեգորիա/

Գտնվելու վայրը՝

Գեղարքունիքի մարզ, ք. Գեղիովիտ, 5-րդ փ, տ. 174

Ներածական մաս. ՀՀ Գեղարքունիքի մարզի Քարաձորի անդեզիտաբազալտների երևակումը գտնվում է Գեղարքունիքի մարզի Գեղիովիտ համայնքի վարչական տարածքում՝ Մադինա գյուղից մոտ 10.5կմ հյուսիս, հյուսիս-արևմուտք։ Երկրաբանահետախուզական աշխատանքները կատարվելու են «Յանա Վարդանյան» ՍՊԸ-ի նախաձեռնությամբ և ֆինանսական միջոցների հաշվին, Գեղիովիտ համայնքի կոմիտեի ընկերությանը հատկացված շուրջ 3.7հա մակերեսով տարածքում։

Նախատեսվող գործնեությունը համաձայն «Շրջակա միջավայրի վրա ազդեցության գնահատման և փորձաքննության մասին» օրենքի 14-րդ հոդվածի 6-րդ մասի 2-րդ կետի ա. ենթակետի, հանդիսանում է Գ կատեգորիայի գործունեության տեսակ։

Նկարագրական մաս. Գեղարքունիքի մարզի Քարաձորի անդեզիտաբազալտների երևակման տարածքում նախատեսվում է իրականացնել օգտակար հանածոյի երկրաբանական ուսումնասիրության աշխատանքներ։ Աշխատանքների նպատակն է ուսումնասիրել Քարաձորի անդեզիտաբազալտների երևակման ապարները որպես երեսապատման նյութ 9479-98 ԳՕՍ-ի տեխնիկական պահանջների, իսկ թափոնները որպես շինարարական ավազի, խճի հումք ՀՍ ԳՕՍ 8267-95 ՀՍ ԳՕՍ 8736-2014)։ Հետախուզական աշխատանքները կկատարվեն սյունակային հորատման 7 ուղղաձիգ հորատանցքերով ու մեկ մաքրվացքով, օգտագործելով նաև փորձնական հանույթի բացահանքի երկրաբանական տվյալները։ Հորատման աշխատանքները կիրականացվեն սյունակային հորատման ուղղաձիգ հորատանցքերի հորատման միջոցով։ Հորատումը կկատարվի կարծր համաձուլվածքային թագիկներով՝ 132-96մմ տրամագծով։ Նախատեսվում է հորատել 8-42 մետր խորության 7 հորատանցքեր 166.0 մետր ընդհանուր ծավալով։



հորատահանուկի նվազագույն ելքը՝ 80-85%: Հորատվող ապարները համապատասխանում են հետևյալ կարգերին՝ ժամանակակից դելյուվիալ առաջացումներ IV կարգ, հողմահարված, ճաքճքված անդեզիտաբազալտներ VII կարգ, խիստ ճեղքավորված անդեզիտաբազալտներ VIII կարգ: Հետախուզական փորվածքների տեղադիրքը և հեռավորություններն ընտրվել են այնպես, որպեսզի հնարավոր լինի օգտակար հանածոյի պաշարներն ուսումնասիրել, եզրագծել և գնահատել արդյունաբերական կարգերով: Երևակումը կհետախուզվի 4 հետախուզագծերով: Հետախուզագծերի միջև հեռավորությունը կազմում է 56-182մ, 3 հետախուզագծերի վրա հորատվելու է 2-ական հորատանցք, իսկ մեկի վրա՝ 1 հորատանցք ու մեկ մաքրվացք: Հետախուզական գծերի և փորվածքների միջև այսպիսի հեռավորությունները թույլ է տալիս երևակման հաշվարկված պաշարները գնահատել արդյունաբերական կարգով:

Հորատանցքերի հորատումը կատարվելու է Հորատող հաստոց UGB-1 VS (ZIL-131) մակնիշի ինքնագնաց հաստոցով, 132-96մմ տրամագծով: Հանուկի ելքն օգտակար հաստվածքից պետք է լինի 80-85% սահմաններում: Նախատեսված 7 հորատանցքերի ընդհանուր ծավալը կկազմի 166.0գծ.մ:

Օգտակար հանածոյի ֆիզիկամեխանիկական հատկությունների ուսումնասիրման նպատակով կնմուշարկվեն 27 հանուկային նմուշներ և 4 մենաքարեր (2-ական փորձնական հանույթի բացահանքից և մաքրվացքից), որոնց միջին չափսերը կկազմեն 30×30×30սմ: Հորատահանուկային նմուշների երկարությունը՝ 5մ միջակայքով:

Բազալտների քիմիական կազմը ուսումնասիրությունը կկատարվի 3 նմուշներով: Պետրոգրաֆիական նկարագրությունը կիրականացվի հորատանցքերից վերցված 2 նմուշներից պատրաստված շլիֆների հիման վրա:

Լեռնային զանգվածից նախատեսվում է երևակման սահմաններում փորձնական բացահանքի անցում՝ $20 \times 6.0 \times 2.5 = 300.0$ խմ ծավալով, որից 22.5 խմ լանջային փուխր նստվածքներով՝ հողաբուսական նյութի խառնուրդով, 127.5 խմ հողմնահարված և ճեղքավորված բազալտներից և 150 խմ չհողմնահարված, թարմ ապարներից: Պիտանի բլոկների ելքը լեռնազանգվածից որոշելու նպատակով փորձնական բացահանքից կատարվելու է 150.0 խմ ընդհանուր ծավալով փորձնական հանույթ թարմ անդեզիտաբազալտներից: Լեռնազանգվածից մենաքարերի պոկումը կատարվելու է մեխանիկական, հորատասեպային եղանակով, օգտագործելով բնական ճեղքերը:

Ուսումնասիրվող երևակման ծայրակետային կոորդինատներն են՝ ARM WGS-84 կոորդինային համակարգով՝

- | | |
|------------------|---------------|
| 1) X – 4427504.0 | Y – 8522007.0 |
| 2) X – 4427531.0 | Y – 8522326.0 |
| 3) X – 4427435.0 | Y – 8522481.0 |
| 4) X – 4427402.0 | Y – 8522384.0 |
| 5) X – 4427466.0 | Y – 8522193.0 |
| 6) X – 4427374.0 | Y – 8522075.0 |
| 1) X – 4427504.0 | Y – 8522007.0 |



Երևակման տեղամասը ներկայացված է անօգտագործելի, գյուղատնտեսական աշխատանքների համար ոչ պիտանի տարածք, զուրկ անտառային ծածկույթից: Երևակման տարածքում կենդանիների բներ, որջեր չեն դիտարկվել: Հորատման հարթակների շինարարություն չի նախատեսվում, իսկ փորձնական բացահանքի անցման ժամանակ խոտաբուսական ծածկույթի վրա կդրսևորվի աննշան բացասական ազդեցություն, որը հետո կվերականգնվի ռեկուլտիվացիոն աշխատանքների արդյունքում: Ռեկուլտիվացիոն աշխատանքների իրականացման համար ընկերության կողմից նախատեսվում է հատկացնել 90000 դրամ գումար:

Քարածորի անդեզիտաբազալտների երևակման տարածքում երկրաբանական ուսումնասիրության աշխատանքների իրականացման ընթացքում աննշան տեխնածին ճնշումներ են դրսևորվելու մթնոլորտի, հողային ծածկույթի, բուսական և կենդանական աշխարհի, ինչպես նաև լանդշաֆտային ամբողջականության վրա: Մեքենաների տեղաշարժի, հորատման աշխատանքների և փորձնական արդյունահանման ժամանակ տեղի է ունենալու վնասակար գազերի և փոշու աննշան արտանետում:

Համաձայն շրջակա միջավայրի պահպանությանը վերաբերվող նախագծման նորմերի (СНИП 11-01-95, СНИП 1.02.01-85՝ սահմանային թույլատրելի խտությունները ածխածնի օքսիդի, ազոտի օքսիդի, մրի և ծծմբային գազի համար համապատասխանաբար կազմում են 0,0005գ/լսմ; 0,000085գ/լսմ; 0,00015գ/լսմ; 0,0005գ/լսմ:

Նախնական հաշվարկներին համաձայն, երևակման տարածքում վնասակար գազերի (ազոտի օքսիդ, ածխածնի երկօքսիդ, մուր) առավելագույն կոնցենտրացիաները չեն գերազանցելու նորմատիվային փաստաթղթերով ամրագրված սահմանային թույլատրելի խտությունները: Հայցվող տարածքից մոտ 815մ արևմուտք՝ հարավ-արևելքից հյուսիս-արևմուտք ուղղությամբ ձգվում է 3-6մ խորությամբ տաշտակաձև ծորակ, որի հատակով հոսում է անանուն գետակ, իսկ շուրջ 1450մ արևելք՝ հոսում է Մարտունի գետի ձախակողմյան վտակների մեկը:

Ջրային ռեսուրսների աղտոտում տեղի չի ունենա, քանի որ երկրաբանական ուսումնասիրության աշխատանքների տեխնոլոգիայով արտահոսքեր չեն նախատեսվում: Հաշվի առնելով ուսումնասիրվող տարածքի հարթ ռելիեֆը, ինչպես նաև ճանապարհների բարվոք վիճակը, ծրագրով նախատեսված աշխատանքների իրականացման համար հորատման հրապարակների և ճանապարհների շինարարություն չի նախատեսվում: Հետևաբար, հողերի խախտում կատարվելու է միայն փորձնական բացահանքի տարածքում:

Փորձնական բացահանքի անցման ժամանակ ճիմապատ, խոտաբույսերի արմատների խիտ ցանցով պատված, լանջային փուխր նստվածքների հետ խառնված հողաբուսական շերտը հանվելու է, պահեստավորվելու է բացահանքի մոտ: Նույն տեղ են կուտակվելու նաև մակաբացման ապարները: Փորձնական հանույթից հետո կկատարվեն տարածքի բարեկարգման, հարթեցման աշխատանքներ, բացահանքի կողերի թեքության անկյունները փոքրացվելու են, նախքան փորձնական արդյունահանումը հանված և կուտակված հողային շերտը հետ է փռվելու հարթեցված մակերեսի վրա: Մինչև ռեուլտիվացիոն աշխատանքների իրականացումը առանձին պահեստավորված հողանուսական ճիմապատ շերտը պարբերաբար ջրվելու է՝ խոտաբույսերի կենսունակությունը պահպանելու համար:



Նախատեսվում է շրջակա միջավայրի վրա հնարավոր ազդեցության բացառմանը, նվազեցմանն ու փոխհատուցմանն ուղղված բնապահպանական միջոցառումներ այդ թվում՝

- [illegible]

տարեկան մեկ անգամ հաճախականությամբ, երևակման հարակից տարածքում կենսաբազմազնության մոնիթորինգ: Բնապահպանական մոնիթորինգի իրականացման համար նախատեսվում է տարեկան մասնահատել 200.0 հազ.դրամ:

Պարծառաբանական մաս. Գեղարքունիքի մարզի Մարտունի համայնքի Գեղիովիտ բնակավայրի վարչական շենքում օրենսդրությամբ սահմանված կարգով, իրականացվել են հանրային քննարկումներ, որոնց ընթացքում տեղական ինքնակառավարման մարմինները և հասարակայնությունը հավանություն են տվել նախատեսվող գործունեությանը: Փորձաքննական գործընթացին մասնակցել են շրջակա միջավայրի նախարարության ստորաբաժանումները, ինչպես նաև առողջապահության, արտակարգ իրավիճակների, կրթության, գիտության, մշակույթի և սպորտի նախարարությունները, կադաստրի կոմիտեն: Ծրագրի իրականացման արդյունքում շրջակա միջավայրի վրա հնարավոր բացասական ազդեցությունները հիմնականում պայմանավորված կլինեն երկրաբանական ուսումնասիրության աշխատանքների իրականացմամբ, որոնք կկրեն ժամանակավոր բնույթ և ազդեցությունները կլինեն թույլատրելի նորմայի սահմաններում:

Փորձաքննական պահանջներ

- Երկրաբանահետախուզական աշխատանքների իրականացման ընթացքում անհրաժեշտ է պարբերաբար իրականացնել շրջակա միջավայրի բաղադրիչների մոնիթորինգ և արդյունքները ՀՀ կառավարության 2018թ. փետրվարի 22-ի N191-Ն որոշմամբ սահմանված ժամկետներում և ձևաչափով ներկայացնել շրջակա միջավայրի նախարարություն:

- Երկրաբանահետախուզական աշխատանքների իրականացման ընթացքում անհրաժեշտ է խստագույնս հետևել նախնական գնահատման հայտում ամրագրված բնապահպանական միջոցառումների իրականացմանը, իսկ դրանց չբավարարման դեպքում՝ նախատեսել լրացուցիչ միջոցառումներ՝ ապահովելով բնապահպանական նորմերը:

- Անհրաժեշտ է ապահովել հայտում ամրագրված ռեկուլտիվացիայի աշխատանքների իրականացումը:

- Աշխատանքների ընթացքում ղեկավարվել առողջապահության նախարարի 2012թ.սեպտեմբերի 19-ի N15-Ն նորմերի պահանջներով:

- ՀՀ կառավարության 2002 թվականի ապրիլի 20-ի «Պատմության և մշակույթի անշարժ հուշարձանների պետական հաշվառման, ուսումնասիրման, պահպանության, ամրակայման, նորոգման, վերականգնման և օգտագործման կարգը հաստատելու մասին» N438 որոշմամբ հաստատված կարգի 43-րդ կետի համաձայն, աշխատանքների կատարման ժամանակ պատմական, գիտական, գեղարվեստական և այլ մշակութային արժեք ունեցող հնագիտական և մյուս օբյեկտների հայտնաբերման պահից անհրաժեշտ է դադարեցնել աշխատանքները և դրա մասին անհապաղ տեղեկացնել լիազորված մարմնին՝ համապատասխան պահպանական միջոցառումներ իրականացնելու համար:

- Աշխատանքների ընթացքում ղեկավարվել «Սևանա լճի մասին» ՀՀ օրենքով:



ԵԶՐԱՓԱԿԻՉ ՄԱՍ

«ՅԱՆԱ ՎԱՐԴԱՆՅԱՆ» ՍՊ ընկերության կողմից ներկայացված Գեղարքունիքի մարզի Քարաձորի անդեզիտաբազալտների երևակումում օգտակար հանածոների արդյունահանման նպատակով ընդերքի երկրաբանական ուսումնասիրության աշխատանքների շրջակա միջավայրի վրա ազդեցության նախնական գնահատման հայտի վերաբերյալ տրվում է դրական եզրակացություն՝ վերը նշված փորձաքննական պահանջների պարտադիր կատարման պայմանով:

«Շրջակա միջավայրի վրա ազդեցության
փորձաքննական կենտրոն» ՊՈԱԿ
գլխավոր մասնագետ՝



Վ. Հարությունյան